




# Iphupho likaSiviwe



Yolisa Madolo



“Uma sengikhulile, ngifuna ukuba yingqwele yebhola lomnqakisiswano,” uSiviwe ukhuluma yedwa endleleni ebuya enkundleni ngemuva kokubheka umdlalo webhola lomnqakisiswano. Wayegxumagxuma elingisa ukunyakaza ayekubonile.





“Ngelinye ilanga nami ngizoba ngumdlali webhola lomnqakiswano,” watshela umama wakhe.

“Ngubani ozokwenzela imisebenzi yakho uma udlala?”

Kwakungumsebenzi wakhe ukugeza izitsha  
nokushanel  
indlu uma umama  
naye enza eminye  
imisebenzi.






Lokhu kwamphatha kabi uSiviwe ngoba  
kwakubonakala ukuthi impilo ilula ebafaneni.

Nasesikoleni, kwakungamantombazane kuphela  
ayeshanelo amakilasi.

“Ngingenzani ukuze abazali bami bangivumele  
ukudlala ibhola lomnqakiswano?”





Ngelinye ilanga, uSiviwe wayebhampisa ibhola aliphonsa, wathuswa yizwi.

“Unekhono, Siviwe. Ungathanda ukuba seqenjini lebhola lomnqakiswano?” kubuza uthisha Menzi, umqequeshi webhola lomnqakiswano. “Ngicabanga ukuthi siqale iqembu lamantombazane amancane ongadlala kulo.”

USiviwe wabuyela ekhaya ngalolo suku ejabulile. Wayengasakwazi nokulinda ukuthi atshele umama wakhe lezindaba, kepha wayekwazi ukuthi abasoze bamvumela.



“Uthisha wami uthi ngizoba ngumdlali webhola lomnqakiswano,” washo ngezwi elincane kwisidlo sakusihlwa.

“Umdlalo lapho uphonsa khona ibhola?” kubhinqa umfowabo, uBonga.

“Ukhulumu ngokudlala, uzoqedu nini ukugeza izitsha?” kukhalaza umama.

Walahlekelwa yithemba lonke.

Ngalobo busuku, walala edumele ngoba wayekwazi ukuthi abasoze bamvumele ukudlala umdlalo wakhe awuthandayo.





Nangempela iqembu  
lamantombazane  
amancane lasungulwa,  
lifaka noSiviwe.



Ngelinye ilanga,  
uma beziqequesha  
ekuphumeni kwesikolo,  
uthisha uMenzi waqaphela ukuthi uSiviwe  
udabukile.

“Kwenzenjani, Siviwe, uyagula?” wambuza.

“Abazali bami bacabanga ukuthi umdlalo wami  
ukuchitha isikhathi. Abasoze bangivumele ukuthi  
ngidlale ngoMgqibelo,” amehlo akhe agcwala  
izinyembezi.

“Kubuhlungu lokho ngoba unesiphiwo. Kepha  
ngiyethemba ukuthi abazali bakho bangakuvumela  
udlale uma bengakubona usenkundleni,” kusho  
uthisha. “Ungakhathazeki. Ngizobhalela abazali  
bakho incwadi ngibacele ukuthi abakuvumele  
udlale.”

Lawo mazwi amnikeza ithemba.



Ngalelo viki uSiviwe wayefika ekhaya ngemuva kwasikhathi esijwayelekile ngoba babelungiselela umdlalo omkhulu. Abazali bakhe babengazi ukuthi useqenjini lebhola lomnqakisiswano.

USiviwe wakhululeka ngalencwadi uthisha Menzi ayibhalele umama nobaba wakhe, emcelela imvumo ukuba adlale.

Wayengasakwazi ukulinda ukuthi afike ekhaya akhombise umama incwadi, manje usenethemba lokuthi angeke bamalele.



q





Wafika ekhaya wabeka isikhwama sakhe phansi,  
wanikeza umama incwadi.

Umama wafunda incwadi wabe esethi, “Kepha  
Siviwe, sikhulumile ngalokhu ngaphambilini.  
Ngubani ozosiza endlini? Angikaze ngibone  
intombazane evilapha ngaloluhlobo.”

“Mama, lokhu akuwona umdlalo kuphela;  
kungumdlalo webhola lomnqakiswano. Futhi  
uthisha wami uthi nginesiphiwo.”


Ithemba liphelile kuye. Wahamba wayokwenza  
imisebenzi yakhe ejwayelekile, enqume  
ukungaphuthelwa ngumdlalo omkhulu olandelayo.



Abazali bakaSiviwe basihlonipha isimemo sesikole. Bafika ehhovisi likathishanhloko. Uthisha wangena ngenkathi abazali bakaSiviwe behlala phansi ngemuva kokubheka ngokujabula izindondo nezindebe zemidlalo ezisegunjini. Uma uthisha uMenzi eqeda ukukhuluma, ubaba kaSiviwe wabuza, “Ucabanga ukuthi ingane encane kangaka ingadlala emidlalweni yesikole ebaluleke ngalolohlolo?”

“Uzoyenza nini imisebenzi yakhe? Silethe uSiviwe esikoleni ukuzofunda, hhayi ukuzodlala,” kusho umama kaSiviwe engajabulile.

“USiviwe unesiphiwo. Ngiyacabanga ukuthi angase animangaze. Mnikezeni ithuba anikhombise.” UThisha Menzi akazange aphele amandla okuguqula imiqondo yabazali. Ngale kwalokho, uSiviwe kwakumele amele isikole emdlalweni omkhulu ngoMgqibelo.







Ngakusasa ekuseni umama wathi, “Masihambe ukuze singashiywa yisikhathi.”

“Siyaphi, mama?” uSiviwe uyabuza emangele.

KwakunguMgqibelo, futhi wayesevumile ukuthi uzophuthelwa yilomdlalo.

“Shesha, Siviwe!” kumemeza ubaba wakhe.

“Awudlali namhlanje?” kubuza umama.

USiviwe wajabula! Wafuna ukuzincinza ukuze abone ukuthi akaphuphi yini. Kwakumnandi ebhasini becula izingoma zokujabula. Wayejabule kakhulu.



USiviwe wayefuna ukukhombisa abazali bakhe ikhono lakhe.

Kwakuzoba okokuqala bembona edlala. Wadlala kahle. Wabonakala ezimisele kakhulu kunakuqala. Wayeshesha nebhola. Abantu bejabulile, bememeza becula:

*USiviwe yizimu!*

*USiviwe yizimu!*



*USiviwe yizimu!*

“Indodakazi yami leyo!” umama wakhe wayetshela wonke umuntu olalele.

Abazali bakhe abazange bawakholve amehlo abo uma bebona indodakazi yabo idlala kahle kangaka.

Njalo uma ebona abazali bakhe beme ngezinyawo bamenanelo, wayezizwa eba namandla kakhulu.







Ekupheleni komdlalo, iqembu labasekeli lamdonsa lamphakamisela emoyeni ngenjabulo.

Waphakamisa izandla zakhe, emamatheka.

Isixuku sigijima enkundleni yezemidlalo, sicula izingoma zokunqoba.

*USiviwe uyizimu!*

*USiviwe uyizimu!*

*USiviwe uyizimu!*

*Yizimu, yizimu!*

Izintatheli ebezihambele lomdlalo nazo zajabulela ukunyakaza komlingo kukaSiviwe uma ephonsa ibhola. Waze wabizwa ‘ngomdlali womlingo’ ngoba wayemncane kunabo bonke abanye abadlali.

Izixuku zazimangele. Wayekwazi ukuthi uzokhethwa ukuba kwabayishumi abaphezulu, ukuyodlala eGoli.



“Ngangingazi  
ukuthi usho  
lokhu uma uthi  
udlala ibhola  
lomnqakiswano,  
ndodakazi  
yami,” ubaba  
wakhe waqala  
loludaba uma  
befika ekhaya.

“Lapha lencwadi  
ithi sizoya  
eGoli. Sizondiza  
ngebhanoyi!”  
kusho umama  
kaSiviwe.

UBonga, naye, wayemjabulele udadewabo.  
Umndeni wabuyekeza iminyakazo emangalisa  
kakhulu kaSiviwe enkundleni.

USiviwe wajabula ukubona abazali bakhe  
bejabulela akwenzayo nokuthi udlala kanjani, into  
ayekade eyifisa.

